

LIJE'E SAN PABLO LINIĒ'EPOLA' LAPIMAYE LEFOT'LEPOĽTSI LIĽYA' COLOSAS

1 ¹⁻²Iya' ninPablo, nin'apóstol, alummepa Jesucristo. ToĽta'a ixpic'epa ĽanDios. Illanc', iya' y ĽaĽpima Timoteo, aliniĽelhuo' imanc' i'huexi Cristo noĽmana' liĽya' Colosas. Imanc' aĽinca unc'aĽpimaye.

ĽanDios caĽAilli' tipaxnetsolhuo', titoc'itsolhuo', tipac'e'etsolhuo' loĽpicuejma'.

³AĽs'najtsi'iyi ĽanDios, iĽque i'Ailli' ĽaĽPoujna Jesucristo. MaĽpalaic'oyi ma' aĽ'nujuaitsilhuo' imanc'. ⁴ToĽta'a ĽaĽpanc'mecopa ĽaĽs'najtsi'ipa ĽanDios iĽe litine ĽaĽcuejpá imanc' toĽ'huaiyijnyi Jesucristo, jouc'a aĽcuejpá tonĽ'ela' capic'a jahuay lapimaye, iĽne jouc'a i'huexi ĽanDios. ⁵Anuli toĽ'huacoyi tepi'intsolhuo' iĽe al c'a li'hueca ĽanDios jiĽpe lema'a. ToĽiya toĽ'eyoĽtsi capic'a. Imanc' joupa oĽsina' tipa'a iĽe al c'a Ľapi'inyacolhuo'. Illanc' lu'ipolhuo' moĽquimf'eyi al Ľinca Cataiqui', iĽe Lataiqui' loya'apa al c'a lixpic'epa ĽanDios. ⁶IĽe Lataiqui' icuaita pe loĽmana'. Ma' itsiya tipa'a jiĽpe. Ai ma le'a pe loĽmana' imanc', icuaita jouc'a ni petsi li'a Ľamats'. Ni petsi loya'ampa

Lataiqui' ipammaita. Ti'hua tixpe'ela' lan xanuc' naihuejcopá. Al te'a quitine loĽquimf'epa Lataiqui' toĽta'a li'ipa, ti'hua ti'i. Joupa i'ipa coĽsina' te ts'i'ic' loya'apa al Ľinca Cataiqui'. IĽe Lataiqui' inescopa ĽanDios te ts'i'ic' mitoc'ilhuo', mipaxnelhuo' imanc' noĽ'huaiyijmpá.

⁷ToĽta'a limuc'ipolhuo' ĽaĽpima Epafras. IĽque, illanc' aĽ'eyi Ľanic' lalapi'imponga'. AĽ'huaiyijnyi Epafras. Litine litsehuc'oma' jiĽpe illanc' lummepá. Ma' anuli Ľanic' lo'epa, iĽe lalapi'iponga' Cristo.

⁸MaĽque Epafras lu'iponga': "Ľapimaye nomana' liĽya' Colosas, aĽinca epenufpá cal Espíritu Santo. Ti'eyi capic'a." ⁹ĽaĽcuejpá toĽta'a aĽpango'me aĽsahue'e'me ĽanDios titoc'itsolhuo' xonca. Aic'aĽsojtonga'. Ti'hua aĽsahue'eyi ĽanDios ti'iĽa' acueca' loĽpicuejma', tonĽ'ele ma ĽatenĽcocoya cal Espíritu Santo. ToĽta'a ti'i'ma coĽsina' te ts'ipic'a ĽanDios. AimoĽnesyacu: "IĽe laiĽ'epa, Ľja'ni ac'a o a'ijc'a?" Aimi'i'ma oque' loĽpicuejma'.

¹⁰LoĽ'ejma' ti'onĽcota to li'ejma' ĽaĽPoujna mipa'a fa'a li'a Ľamats'. ToĽta'a tolyalaico'me. TonĽ'e'me

ma le'a latentcocoya ÆanDios. Tołmuj'mołtsi imanc' ixanuc' ÆanDios. Tonł'e'me al c'a. Imanc' joupa ołsina' te ts'i'ic' lipicuejma' ÆanDios, ti'hua tonlimetsaicoyi. Ti'hua ti'i'ma xonca acueca' iłe lołsina'. ¹¹ Monł'eyi al c'a, ÆanDios titoc'i'molhuo', tepi'i'molhuo' cołpujfxi. Iłque cal Cueca' CanDios juaiconapa acueca' lo'epa. Ti'e'e'molhuo' acueca' łolunxajma'. Tołta'a tołsnet'He lo'iyacolhuo'. Aimolixtuleyacu, tixoj'ma cunlata tołsnet'ł'me. ¹² Tołs'najtsi'ł'me ÆanDios, iłque i'Ailli' łatPoujna Jesucristo. Joupa ałłanc'eponga' łatpicuejma'. Tołta'a anuli jahuay lapimaye, iłne i'huexi ÆanDios, ałtsuflaita jilpe petsi lopa'a pangay epalc'o'. Alapi'itonga' cal c'a łat'huexi.

¹³ Li'ipa, ma luyalaicoyi to iłniya pe amuf liłpicuejma', aiquepalc'o'innila'. Ma' anuli łatpincuxepa. Itsiya ituca' aluyalaicoyi. ÆanDios lunłu'eponga'. Ocuena ałcuxenga'. Ałcuxenga' hi'Hua ÆanDios, iłque łetenłcocopa, ti'ay capic'a. ¹⁴ Małque hi'Hua ÆanDios ał'najcufponga' łatjunac'. Tołiya ÆanDios alimenc'e'ecoponga' łat'epa lixcay.

¹⁵ ÆanDios, iłque i'Ailli' Jesucristo, aiqui'huáqui. Aimi'iya mixininayacu. Li'hua timuqui te ts'i'ic' qui'Ailli'. Ai'a tilanc'e'ma ÆanDios lema'a, li'a łamats', lan xanuc', ma tipa'a hi'Hua. Tołiya ecui'ipa Cal Te'a. ¹⁶ Jahuay lixpice'epa ÆanDios tilajnla', hi'Hua ilanc'epa, jahuay lopa'a lema'a, jahuay lopa'a li'a łamats', ja'ni i'huáqui o aiqui'huáqui. Iłne petsi aiqui'huáquila', ja'ni lo'epa

to lan rey, o lan tsila' capoujnalá, o lan tsila' quincuxepá, o ti'hua liłmane, ticuxeyi, jahuay iłniya petsi aiqui'huáquila' jouc'a petsi li'huáquila', hilanc'epola' hi'Hua ÆanDios. Małque iłPoujna jahuay. ¹⁷ Ai'a tilajm'ma jahuay iłna'a iłque tipa'a. Ti'hua limane aimetełqueya lema'a ni li'a łamats' ni lopa'a jilpiya. ¹⁸ Iłque copa'a ałjuac, illanc', nalafot'łeponga' ÆanDios, icuerpo. Iłque itsahuenamma, ipanamma pe lomana' limanapola', aimimaconaya. Copa'a Cal Te'a hi'ipa tołta'a. Illanc' licuerpo ma' anuli łat'iyaconga', łapi'iponga' łatpitine aimijouya. Łinca ailopa'a co'lonłcospa. Iłque xonca cal Cueca', jahuay tuliqui. ¹⁹ Ixhueya lipicuejma'. Tołta'a ÆanDios etenłcocopa. Ma' anuli liłpicuejma'. ²⁰ Li'ipa, ÆanDios icuaj'ma lilanc'epa. Tołta'a tocomma tifuli'iyoktsi, aimimana' anuli. Ixpice'epa tipac'eł'a' łafuleya tołiya ummecopa hi'Hua timayotsi lancruz, tixcuajaitsi lijuats'. Tołta'a ixanupa lataiqui', joupa iłijmpa. Ticuaihuo litine jahuay tetenłcoco'ma ÆanDios. Ja'ni lema'a ja'ni li'a łamats', ma' anuli tetenłcoco'ma ÆanDios.

²¹ Li'ipa, jouc'a imanc' aimonłejmaleyi ÆanDios. Jilpe lołpicuejma' onł'epaj laic' ÆanDios. Aicołcueca, onł'epá quixcay. ²² Itsiya a'i. Tonłejmaleyi ÆanDios. Tołta'a lołpicuejma' lepi'ipolhuo' imanc' pe noł'huaiyijmpá Jesucristo, iłque lima'ampa itełcopa jouc'a licuerpo, jilpe lipixic', lipecał. ÆanDios ixpic'e'epa tixinintsolhuo' ma le'a i'huexi iłque. Ixpice'epa tixinintsolhuo' joupa i'ipolhuo' pangay c'a lołpicuejma'. Tołta'a

aimitac'uinyacolhuo' cajunac',
ailopa'a. ÆanDios tepenuftolhuo'
jilpe pe lopa'a.

²³Toŧta'a lo'iyacolhuo' ja'ni ti'hua
tonŧ'e'me linca Lataiqui', iŧe loya'apa
lixpic'epa ÆanDios. Ticuicomma
toŧfaŧe loŧpicuejma'. Toŧpic'eŧe
tolihuejle. Toŧ'huaicote iŧe al c'a
lapi'iyacolhuo' ÆanDios. Lataiqui'
loŧcujpa imanc' tinescojma maŧiya
al c'a. Iŧe Lataiqui' loŧcujpa joupa
uya'ampa ni petŧi li'a ŧamats'. Jouc'a
iya' ninPablo cuya'e'. Toŧta'a laipenic'
lainepenufpa.

²⁴Itsiya tixoquei neta cateŧma.
Ca'nujuaitsilhuo' imanc'. Cacua:
Iŧta'a laifteŧcopa titoc'itsola'
laipimaye xonca ti'huaaijynle Cristo.

Illanc' nalafot'ŧeponga' ÆanDios
icuerpo Cristo. Maŧteŧcoyi jouc'a
titeŧma Cristo. Ma tehue'e' iŧe
lateŧcoya. Maŧteŧcoyi panca panca
aŧsuai'niyi iŧe lateŧcoya. Toŧta'a
laif'epa itsiya ma caxingufcojma
cateŧma jifa'a laicuerpo.

²⁵Iya' catoc'ila' lapimaye
lefot'ŧepola' ÆanDios. Toŧta'a
lixpic'epa iŧque ÆanDios. Ma'
iŧque lapi'ipa laipenic' cuya'ala'
Lataiqui' pe loŧmana' imanc' a'i
cunc'ijudío. Lummepa cu'itsolhuo'
jahuay loya'apa litaiqui' ÆanDios.

²⁶Cuhuaŧque lipime cataiqui'
loya'apa. Iŧe li'ipa luyaipa axpe'
camats' emiya lataiqui'. Lan
xanuc' muyalaicoyi liŧpepajnya
aquiŧsina' lemiya cataiqui'. Itsiya
iŧsina'. ÆanDios timuc'ila' lixanuc',
iŧne i'huexi. ²⁷ÆanDios joupa
ixpic'epa ti'ila' quiŧsina' acueca'
juaiconapa ac'a loya'apa, lo'eya, iŧe
lataiqui' li'ipa lemiya. Iŧe Lataiqui'
tinescolhuo' imanc' a'i cunc'ijudío.

Imanc' li'ipa aicolimetsaijma
ÆanDios. Itsiya Cristo tipa'a
pe loŧmana'. Iŧque epi'ipolhuo'
loŧpicuejma'. Toŧiya toŧ'huaicoyi
tepenuftsolhuo' ÆanDios,
tilaitsufcotolhuo'.

²⁸Maluya'ayi Lataiqui' aŧpalaicoyi
Cristo. Jahuay lan xanuc' lu'ila' te
ts'i'ic' mi'eyacu ja'ni tetenŧcocola'
ÆanDios lo'epa. ÆanDios
aŧhanc'e'eponga' laŧpicuejma', toŧta'a
luhuaŧqueyi Lataiqui', aŧmuc'ila'.
Tijouŧa' aŧmita ÆanDios: "Toxintŧola'
iŧna'a laŧpimaye, iŧna'a lepenufpolo'
Cristo. Joupa i'ipa ixhueya
liŧpicuejma'. Ailopa'a mehue'ela'."

²⁹Toŧiya ca'ay canic' juaiconapa.
Joupa aipo'nopa laipicuejma',
cacua: Tama cateŧma catoc'i'mola'
laipimaye.

Cristo acueca' aŧtoc'i. Lapi'i
caipujfxi. Caxingufi acueca' lo'epa
iŧque.

2 Iya' cacua: Ti'ila' coŧsina'
iya' acueca' ca'nujuaitsilhuo'
imanc'. Ma' anuli ca'nujuaitsila'
lapimaye nomana' liŧya' Laodicea,
jouc'a jahuay locuenaye lapimaye
petŧi aicalimetsaijma. Acueca'
quihuejnyoxi, caxahue'e' ÆanDios
titoc'itsolhuo'. ²Caxa'hue:
Tixpi'itsolhuo' cunlata. Tonŧ'etsotŧi
capic'a. Toŧta'a ti'i'ma ma' anuli
loŧpicuejma'. Aimotŧsinyacoŧsi
to iŧne lan cuanuc'la pe ailopa'a
qui'huexi. Toŧsim'motŧsi to iŧne
acueca' ts'i'hueca. Toŧcuc'e'me
litaiqui' ÆanDios. Tolapejna'me
nulemma lipime cataiqui' li'ipa
emipa ÆanDios. ³Jilpe iŧe lipime
cataiqui' aŧsinna'me jahuay al c'a
juaiconapa. Aŧsinna'me to jipu'hua
acueca' lipitali. Ja'ni lahueyi ti'ila'

xonca acueca' ac'a laɓpicuejma', o lahueyi ti'iha' xonca caɓsina', jiɓpe lataiqui' aɓsinna'me jahuay iha'a. Tocomma emiya. Lan xanuc' aimicuec'eyi.

⁴Laifcuapa toɓta'a caxhueɓocolhuo' imanc'. Cacia: Aga tifel'mi'molhuo' iɓne petsi tocomma to ac'a lopalaipa, iɓne iɓsina' te ts'i'ic' mifel'miyaleyacu. ⁵Linca tama aicapa'a jiɓpe, tocomma aɓmana' nuli. Tocomma cahuelongilhuo'. Tixoqui neta caxinnilhuo' tolihuejcoyoɓtsi. Toɓmujyi aɓinca toɓhuaiyijnyi Jesucristo.

⁶Joupa imuc'impolhuo' naitsi iɓque Jesucristo laɓPoujna. Toɓta'a olapenufpa. Itsiya camilhuo': Ma' anuli ti'hua tolihuejco'me. ⁷Imanc' loɓpicuejma' joupa ifacaipa Cristo. Itsiya ti'hua toɓnujuaisle iɓque. Toɓta'a ti'hua toɓfa'e'moɓtsi loɓpicuejma'. Xonca tolimetsaico'me ma' aɓinca lataiqui' limuc'impolhuo', maɓe lataiqui' lolapenufpa. Aimixojyacolhuo'. Juaiconapa ti'hua toɓs'naɓtsi'i'me LanDios.

⁸Camilhuo': Toɓpo'note cuenna. Ja'ni a'i aga tileco'molhuo' ocuenaj comxi. Tifel'mim'molhuo'. Iɓne no'epá toɓta'a tipalaiyi tocomma atsila' cataiqui', ma le'a tipa'ayi quiɓtuca' liɓpicuejma'. Tipalaicoyi liɓtaiqui' lan xanuc'. Iɓpic'a tolihuejle liɓejma' lan xanuc' nomana' fa'a li'a laɓmats'. Iɓe a'i liataiqui' Cristo.

⁹Cacia: Cristo aimehue'e'. Ma' anDios i'epoxi xans. LanDios y Cristo ma' anuli liɓpicuejma', ixhueya. ¹⁰Imanc' joupa epenufpolhuo' Cristo, jouc'a aimehue'elhuo'. Iɓne locuenaye

lomxiye, ɓte xonca capi'iyacolhuo'? Ailopa'a capi'iyacolhuo'. Lan tsila' capaluc' quema'a tama acueca' icueya liɓmane, acueca ticuxeyi, Cristo tuliquila' jahuay. Ticuxela' iɓniya.

¹¹Aimicuicomma mi'enyacolhuo' circuncidar. Cristo joupa epenufpolhuo', toɓta'a tocomma joupa i'empolhuo' circuncidar. LanDios tepenuftolhuo'. Linca ailopa'a quietec'elhuo' lan xanuc' loɓpixic'. Imanc' ituca' li'ipolhuo'. Joupa oɓpo'nopá loɓpicuejma', olatec'opá loɓepa a'ijc'a, toɓcuanajoɓtsi loxahue'epolhuo' loɓcuerpo, aimolihuejcoyi iɓta'a. Jahuay petsi lepenufpola' Cristo, ma' anuli li'ipola'.

¹²Lijoupa limapa Cristo emimpa. Imanc' lepo'impolhuo' tocomma emimpolhuo' jouc'a. Lijoupa lemimpa Cristo ipanamma pe lomana' limanapola'. Imanc' lolipalumma laja' tocomma olipalumma jouc'a pe lomana' limanapola'. Imanc' oɓhuaiyijmpá LanDios, toɓcuayi: “Joupa imaf'i'inapa Cristo, ipa'anapa pe lomana' limanapola'”; toɓta'a jouc'a oɓmaf'i', tipa'a al ts'e loɓpitine.

¹³Li'ipa, imanc' ti'onɓcospolhuo' to limanapola'. Joupa ejac'epolhuo' iɓe lonɓepa lixcay. Iɓniya hitiné ti'onɓcospolhuo' to lan xanuc' pe ailopa'a quiɓseña. LanDios aiqumetsaicolhuo' ixanuc'. Moɓmana' toɓta'a LanDios imaf'i'inalpolhuo' anuli Cristo. Linca imanc' y illanc' limenc'e'ecoponga' jahuay laɓepa a'ijc'a. ¹⁴Aicalihuequi locuxepa LanDios, iɓe lataiqui' linijmpa. Toɓiya iɓe lataiqui'

ałcuxeconga', alacani'enga'. Itsiya aimatcuxecoconayaconga'. ŁanDios joupa ihonc'epa, epałts'ingimpa jilpe lancruz. ¹⁵Tołta'a acujmaica imuj'ma xonca acueca' Cristo. Iłque ticuxela' lan tsila' lapaluc' quema'a, iłne no'huapa acueca' liłmane. Li'ipa, iłniya lapaluc' imuc'i'me te ts'i'ic' ŁanDios. Itsiya a'i, tihuejcoyi Cristo.

¹⁶Tołiya aimołsuełmot'le'me iłniya nocuapá: “Aimote'ma iłta'a, aimoxna'ma iłiya”. Ni aimołsuełmot'le'me iłne locuxe'epolhuo'. Iłne ticuxe'elhuo' tonłełe cuenna hitiné, ti'ila' ajuic, ti'ila' cal ts'e mut'la o ti'ila' itine conxajya. ¹⁷Jahuay iłna'a ti'onłcospa to lipunxahua cal xans. A'ij cuajmaica mimuqui te ts'i'ic' iłe al c'a lapi'iyacola' ŁanDios lixanuc'. Itsiya joupa ałmuc'imponga' te ts'i'ic'. Ma' iłque Cristo cal C'a. Iłque a'i cunxahua.

¹⁸Aimolihuejco'mola' pe no'e'epołtsi to ninaitsi xanuc', iłne ti'oc'eyołtsi juaiconapa. Iłne naxc'onłingołaipá lapaluc' quema'a. Ja'ni tolihuejle, imanc' aimolulijyacu al c'a, iłe lapi'iyacola' lixanuc' ŁanDios. Ma tołta'a iłpic'a iłniya. Iłne tihuejyi loximpa to al paiyo. Tixinyołtsi acueca' liłpicuejma', timuc'iyołtsi quiłtuca'. Lataiqui' lomuc'iyalepa aiqimuc'ila' cal Espíritu Santo. ¹⁹Iłne joupa enajpołtsi Cristo, iłque ałJuac, illanc' icuerpo.

Al cuerpo tama tipa'a limef'la licoyuntura tejonłinala' anuli, ticuicomma lijuac. Ja'ni a'i ailopa'a co'eya. Tołe illanc' licuerpo Cristo, iłque lałJuac ałtes'minga' illanc' icuerpo. Licuerpo ti'hua titoqui, ma to ŁanDios tixpic'e titojla'.

²⁰Imanc' ja'ni joupa imapolhuo' anuli Cristo, ja'ni tipa'a ituca' lołpitine, łte qui'icopa lołejma' to liłejma' locuenaye xanuc' nomana' fa'a li'a łamats'? łTe coluyalaicopa tołta'a? Imanc' tocomma ailopa'a iłe lołpitine. łTe colihuejcopola' iłne locuxe'epolhuo'? ²¹Tixc'ai'ihuo': “iAimołnoł'me iłta'a! iAimołte'me iłque! iAimolıto'c'olai'me moł—lał'me jilcu'hua!” ²²Iłna'a lonescopa aimicołya. Ti'hua tijaf'quinghua. Locuaicoya quitine ailopa'a. Iłna'a łataiquí lan xanuc' tipa'ayi quiłtuca' liłpicuejma'. A'i tołta'a locuxe'epolhuo' ŁanDios. ²³Łiłtaiquí tocomma juaiconapa mixingufyi. Naihuejcopá iłna'a łataiquí iłne quiłtuca' tixpic'eyi texc'onłingołai'me juaiconapa, acueca' ti'oc'eyołtsi, acueca' titełmiyołtsi liłcuerpo. Tołta'a aimi'eyi lipic'a ŁanDios. Iłque ipic'a ał'e'mołtsi cuenna lałcuerpo, ałcuxe'mołtsi al c'a. Ja'ni tolihuej'me iłta'a ituca' cataiqui' ma le'a tonłe'me lipic'a lołcuerpo, iłe ticuxe'molhuo' lonłeyacu.

3 Imanc', ja'ni ŁanDios joupa imaf'i'inalpolhuo' anuli Cristo tolahuele lapi'inyacolhuo', iłe lopa'a lema'a. Jilpe tipa'a Cristo ticutsuya al c'a camane ŁanDios. ²Tołnujuaisle lopa'a lema'a, a'i lopa'a fa'a li'a łamats'. ³Imanc' mołmana' a'i to li'ipa. Joupa imapolhuo', i'ipa ats'e lołpitine. Jilpe pe lopa'a ŁanDios tipa'a Cristo imaf'i'. Ma to iłque lipitine, tołta'a lołpitine. Łınca itsiya aicołsina' nulemma te ts'i'ic' iłe lołpitine. Tocomma emiya. ⁴Małque Cristo ałpitine. Litine timujxoxi Cristo,

imanc' jouc'a jahuay lixanuc'
tołmuj'mołtsi. Jiłpe litine alinca
tixinnim'me acuajmaica te ts'i'ic'
ițe lałpitine. Ałsim'monga' joupa
i'epa pangay c'a lałpicuejma'.
Ał'onłcotonga' to Cristo.

⁵Toliya, ma mołmana' fa'a
li'a łamats' toł'e'mołtsi cuenna.
Ihiya lołcuerpo tołcuxete.
Tihuejcołsolhuo' lołmane',
lołmitsi', jahuay ițe lołcuerpo.
Camilhuo': Aimolahue'mola'
cacał'no', aimoł'e'me al xujc'a,
aimolahuelojm'mola' lacał'no'
mołsuico'mola', aimołjanaj'me
lixcay, aimoł'e'mołtsi to iłniya
petsi aimicuayacu: "Joupa tipa'a".
Iłne ma ti'hua tehueyi xonca.
Ja'ni tołta'a loł'ejma' ŁanDios
ti'onłcolhuo' to iłniya naihuejpa'
locuenaye candiosla'. ⁶Petsi
tołta'a lił'ejma' ŁanDios tixtuc'ola',
titeł'mila'.

⁷Li'ipa ailopa'a al ts'e lołpitine,
imanc' tonł'eyi tołna'a. Tołta'a
tonluyalaicoyi lapajnya.
⁸Itsiya tołpo'nołe lołpicuejma',
aimonł'econa'me to li'ipa,
aimolixtutsai'me, aimolixtule'me,
aimolahue'me monł'e'mola' quixcay
loł'as xanuc', aimołnesco'mola'
a'ijc'a, aimołnesc'e'e'mola' cataiqui',
aimi'i'ma tołta'a lołnesyacu.

⁹Aimołfel'mi'mołtsi. Imanc'
aimi'iya moł'onłcoyacotłsi
to li'ipa. Joupa ołpo'nopá
lafane cołpicuejma'. Ołpo'nopá
li'ejma' ihiya. ¹⁰Joupa ołspic'epá
tolihuejle al ts'e lołpicuejma'. Ihiya
lołpicuejma' ti'hua tilajmna'ma.
Tijouła' ti'onłcota to lipicuejma'
ŁanDios. Iłque Nolanc'enapa
al ts'e lołpicuejma'. Tołta'a

ihiya lałpicuejma' aimehue'eya.
ŁanDios lipicuejma' aimehue'e'.
Tołta'a ti'i'ma illanc' lałpicuejma'
aimalahue'eyacongá'.

¹¹Iłne petsi tipa'a al ts'e
liłpicuejma', aiminesyacu: "Iya'
ninjudío, iłque a'i. Iłque agriego,
ninaitsi xans." Aiminesyacu:
"Iya' joupa ał'empa circuncidar,
iłque a'i. Iłque ŁanDios
aimepenufya." Aiminesyacu:
"Iłque aiqumuxejma"; o "Iłque
xonca atonno"; o "Iłque amozo,
i'huexi lipoujna"; o "Iłque ailopa'a
quipoujna, quituca' ticuxeyoxi". Iłne
petsi al ts'e liłpicuejma' tixim'mołtsi
ma' anuli. Xonca ti'nujuaisyi Cristo,
iłque łepenufpola' jahuay iłniya
ja'ni ti'huaiyijnyi.

¹²Imanc' joupa i'huif'epolhuo'
ŁanDios. Imanc' i'huexi iłque,
ti'elhuo' capic'a. Toliya tołsintsola' to
acuanuc'la lołpimaye, tołpalaic'otsola'
al c'a, aimoł'e'e'mołtsi tsila',
aimoł'nof'e'e'mołtsi. Tołsnet'He
lo'epolhuo'. ¹³Aimolixtuc'o'mołtsi.
Ja'ni a'ijc'a li'epolhuo',
tolimenc'e'eco'mołtsi. ŁałPoujna
joupa imenc'e'ecopolhuo' lonł'epa,
ma' anuli tolimenc'e'eco'mołtsi.

¹⁴Monł'eyi jahuay tołna'a jouc'a
tonł'etsoltsi capic'a ma to mi'eyi
lapimaye. Tołta'a lonł'epa al c'a
tetenłcoco'ma ŁanDios. Ja'ni
aimoł'eyacołtsi capic'a tixim'molhuo'
to tehue'elhuo'. ¹⁵ŁanDios
ijoc'icopolhuo' tipac'e'etsolhuo'
lołpicuejma' Cristo. Camilhuo':
Tołmajncote tołta'a. Małta'a lipic'a
ŁanDios. Ijoc'ipolhuo' ti'itsolhuo' to
anuli cal xans. Ti'onłcotsolhuo' to
anuli al cuerpo. Jouc'a tołs'najtsi'ițe
ŁanDios.

¹⁶Anuli anuli to'nujuaisle litaiqui' Jesucristo. Tolihuejle jahuay. To'tta'a tepi'im'molhuo' lo'picuejma' to'muc'i'mo'tsi. To'tsc'ai'itso'tsi ti'ila' ac'a lon'eyacu. To'palaic'ocotso'tsi lan salmo, lan himno, lan alabanza. Imanc' tolapenufyi lotoc'ipolhuo' Cristo. To'hiya jilpe lolunxajma' tolnac'co'me ÆanDios. ¹⁷Ja'ni to'palaiyi, ja'ni ton'eyi canic', jahuay lon'epa, ma mon'eyi to'nujuaisle Æa'Poujna Jesús lipu'ftine. To'ts'najtsi'ile ÆanDios ca'Æailli'. I'que tepenufta lo'ts'najtsi'ipa, to'huaiyijnyi Jesús.

¹⁸Imanc' unc'apenoye, tolihuejcotsola' lo'pe'aillí. To'tta'a ticuicomma lon'eyacu imanc' no'huaiyijmpá Æa'Poujna. ¹⁹Imanc' unc'ape'aillí, ton'etsola' capic'a lo'penoye. Aimo'cuxenai'mola'. ²⁰Imanc' unc'a'uhuy, tolihuejcotsola' lo'aillí. Ton'ete jahuay loxc'ai'ipolhuo'. To'tta'a teten'ama, imanc' no'huaiyijmpá Æa'Poujna.

²¹Imanc' unc'a'aillí, aimo'tsc'ai'ot'hi'mola' juaiconapa lo'naxque'. Ja'ni to'tsc'ai'ot'hitsola' aimixnet'lyacu. Titafquecola'. ²²Imanc' unc'imozó tolihuejcotsola' jahuay loxc'ai'ipolhuo' lo'poujnalá nomana' fa'a li'a lamats'.

Aimo'onhico'mo'tsi to lan xanuc' petsi oque' li'picuejma'. I'ne ti'e'me canic' ma le'a mehuelongila' h'poujna. Tijou'la' aimi'econayi. To'tspaic'ete ÆanDios. To'tta'a aimo'fel'miyacola' lo'poujnalá.

²³Jahuay lon'eyacu tixoj'ma cunlata ton'ete. To'nujuaisa ma molihuejcola' lo'poujnalá, i'ne axanuc', xonca tolihuejcoyi

Æa'Poujna. ²⁴Imanc' joupa o'sina' ti'najtsetolhuo' Æa'Poujna. I'que tepi'itolhuo' al hijca, tepi'itolhuo' co'huexi. Imanc', ma Cristo o'Poujna, tolihuejcole i'que.

²⁵To'nujuaisa: I'ne pe no'epá a'ij hijca jouc'a tipa'a lapi'inyacola'. Ma to li'epa ma to'tta'a tepi'innola' quiljunac'. ÆanDios tixinnila' ma' anuli jahuay. I'ne lapoujnalá, ja'ni a'ijc'a lo'epa, jouc'a tepi'innola' quiljunac'.

4 Imanc' unc'apoujnalá aimolatets'i'mola' lo'mozó. To'etsot'si hijca lo'ejma'. To'mujtso'tsi al c'a lo'picuejma'. Joupa o'sina', a'i ma le'a i'hiya jouc'a imanc', tipa'a to'Poujna jilpe lema'a.

²Jahuay imanc' ti'hua to'palaic'ote ÆanDios, aimixojtolhuo'. Ti'hua to'ts'najtsi'ile ÆanDios. ³Ma mo'palaic'oyi ÆanDios to'sahue'e'me a'toc'itsonga' illanc'. Lapi'itsonga' lane luya'a'ete Lataiqui' i'le lopalaicopa Cristo. Æinca luyaipa quitine li'ipa emiya, itsiya a'i. Ma'le lataiqui' caifnuya'apa iya'. To'hiya a'l'nohimpa, a'tats'iya fa'a. ⁴Ja'ni ÆanDios lapi'itsonga' lane luya'a'ete, a'inca ca'econa'ma i'le laipenic'. Cu'iyale'ma ma' acujajmaica i'le lataiqui'.

⁵Ma mo'mana' petsi i'ne a'i capimaye, to'tspic'ete al c'a te ts'i'ic' lon'eyacu, lo'palaicoyacu. Itine itine tipa'a al c'a lon'eyacu. Ne', ton'ete to'tta'a. ⁶Ma mo'palaic'oyo'tsi to'nujuaisa Æa'Poujna litoc'ipolhuo', lipaxnepolhuo'. Ti'ila' lo'taiqui' ma latent'cocoya lataiqui', a'i ninait'si cataiqui'. To'tta'a ÆanDios

tepi'i'molhuo' lołpicuejma',
tołtalai'e'mola' jahuay.

⁷⁻⁸Cumme'ma Tíquico. Ticuaitsi
jiłpe pe lołmana' iłque tu'itolhuo' te
ts'i'ic' laifnuyaicopa. Iłque Tíquico
acaipima. Aiquenajyoxi, ti'hua
ti'ay lanic'. Ma' anuli ał'eyi lipenic'
łalPoujna.

Cacua: Cumme'ma ti'ila' quixina'
te ts'i'ic' mołmana'. Tixpi'itsolhuo'
cunlata. ⁹Tíquico tiyejmale'me
Onésimo. Juaiconapa ał'huaiyjnyi
iłque łacałpima. Iłque ołpiłya' xans.
Iłne tu'itolhuo' jahuay lo'ipa fa'a.

¹⁰Tinonilhuo' Aristarco, iya' iłque
ałtats'emponga' anuli. Tinonilhuo'
Marcos. Iłque ipepo Bernabé.
Ołsina' te ts'i'ic' lołpalaic'ocoyacu
Marcos. Joupa u'impolhuo'. Ja'ni
ticuaitsi jiłpiya tolapenufle.

¹¹Tinonilhuo' Jesús, iłque
łacui'impá Justo. Petsi lan xanuc'
judío no'huaiyjimpá Cristo, ma
le'a iłniya lałejmale. Małejmaleyi
ał'eyi canic'. Luya'ayi te ts'i'ic'
mitsuflaiyacu pe locuxeyopa
ŁanDios. Iłne lixpi'ipa neta.

¹²Tinonilhuo' Epafras, iłque
ołpiłya' xans, imozo Cristo. Acueca'
ti'nujuaitsilhuo'. Tocomma joupa
tipanno łunxajma'. Itine itine
tixahue'e ŁanDios titoc'itsolhuo',
tixhuai'nitsolhuo' lołpicuejma'.
Aimołpai'imołtsi. Itine itine

ti'ila' cołsina' te ts'i'ic' lipic'a
ŁanDios, ti'hua tonł'e'me tołta'a.

¹³Nimetsaijma Epafras li'ejma'.
Aixina' acueca' titeł'miyoxi,
titoc'itsolhuo' imanc' nołmana'
jiłpe liłya' Colosas. Ma' anuli
ti'nujuaitsila' lapimaye nomana'
liłya' Laodicea, jouc'a nomana' liłya'
Hierápolis.

¹⁴Tinonilhuo' Lucas łacałpima,
iłque ĩn'ehuale cafxi. Jouc'a Demas
tinonilhuo'.

¹⁵Lapimaye nomana' liłya'
Laodicea, iłne Ninfa y lapimaye
nafot'łepołtsi lejut'ł, iłniya
tołmitsola: "Pablo tinonilhuo'".

¹⁶Iłta'a cołje'e tołsuef'itsola'
lapimaye. Tijoula' toluyai'ełe pu'hua
Laodicea. Jouc'a tixhuef'quinta
mefot'łeyołtsi lapimaye. Iłe liłje'e
lapimaye nomana' Laodicea,
tolahuetsa tołsuef'itsola' lapimaye
mefot'łeyołtsi jiłpe Colosas.

¹⁷Tołpalaic'otsa Arquipo.
Tołsc'ai'itsa, tołmitsa: "ŁalPoujna
joupa epi'ipo' loopenic'. Ti'hua to'ela'
iłe lanic'. Topo'noła' lołpicuejma'
tanant'łila'."

¹⁸Iya' ninPablo canonilhuo'.
Tołta'a ma laimane quiniłi fa'a:
"NinPablo". Aimalimenc'eco'ma.
Ał'nujuaisla' ałfi'iya fa'a.

Titoc'itsolhuo', tipaxnetsolhuo'
ŁanDios.